

## La glisch electrica arriva

Tochen il 19avel tschentaner sclarevan candeilas, cazzolas da seiv e dad ieli la notg. Il 20avel tschentaner porta lu la glisch electrica als marcaus. Denton: Buca mo als marcaus. En quei grau ei la pintga vischnaunca da Laax stada magari innovativa. Gia 1904 ei l'aua dalla Val Mulin vegnida nezzegiada dalla firma Chr. Solèr, negozi e resgia de lenna, per quei intent. Dano l'installaziun dils hotels Waldhaus a Flem e d'in privat a Mustér ei Laax stada l'emprema vischnaunca sursilvana che ha mess neu la glisch electrica. Sco ei seresulta dil quen digl installatur Kasper da Claustra, ha Laax survegniu pliras cazzolas per l'illuminaziun dallas vias. Ina sesanflava sper la remisa dalla pumpa da fiug, ina sper la casa da scola, in'otra sper l'entrada dil santeri. Tschellas cazzolas ein vegnidas repartgidas egl entir vitg e ludeivla – aschia il cronist – seigi era l'excellenta illuminaziun dalla baseglia stada.



Cheu ei vegniu produciu da 1904 tochen la fin 1936 forza electrica per Laax:  
La resgia da Christian Solèr ella Val da Mulin - sper la via encunter Salums - ch'ei daventada 1954 l'unfrenda d'in barschament.

El contract da concessiun denter la vischnaunca da Laax e Christian Solèr dils 30 da mars 1904 ei vegniu fixau ils suandonts puncts:

Christian Solèr ha survegniu il dretg da nazegiar la forza d'aua digl Ual da Laax – la concessiun ei vegnida fixada igl εμπrem per tschun onns. Digl εμπrem d'october entochen igl εμπrem da matg haveva l'ovra da furnir forza electrica mintga gi, e quei cun far notg entochen in quart vargau mesanotg. Il rest digl onn – pia digl εμπrem da matg entochen igl εμπrem d'october – stueva ei dar glisch dallas quater la damaun entochen ch'ei fageva clar. Vitier ei il concessiunari staus obligaus da furnir sil pli bia quater gadas ad onn (da Nada, da perdanonza ed autras fiastas dalla vischnaunca) tutta notg glisch, e quei senza pagament special. Plinavon ha Christian Solèr era stuiu illuminar gratuitamein la baseglia ed il teschamber.

## **Colligaziun cull'Ovra electrica sursilvana**

Tenor il rapport commercial dalla Ovra electrica sursilvana (OES/EWBO) da 1937 ei la vischnaunca da Laax – ch'era vegnida furnida pli che trent'onns dalla ovra Solèr – vegnida colligiada culla reit dall'OES la fin digl onn 1936.

---

### **Fontaunas/informaziuns:**

#### **Bündner Tagblatt 13.1.1904**

Die Gemeinde Laax erhält in nächster Zeit die elektrische Beleuchtung. Die Holzhandlung und Sägerei Christ. Solèr wird durch eine neue Turbine das Werk erstellen lassen. Die Ausführung ist Herrn Elektrotechniker Kasper in Kloster-Dorf übertragen worden, welcher schon einige gelungene Anlagen ausgeführt hat. Laax wird somit das erste Dorf im Oberland sein, welches elektrisches Licht hat. Wir gratulieren.

#### **Gasetta Romontscha 14-1-1904**

Deno l'installaziun dils hotels Waldhaus a Flèm e d'in privat a Mustér ei Laax l'emprema vischnaunca sursilvana che metta neu la biala glisch electrica.

#### **Gasetta Romontscha 12-7-1963**

Inauguraziun dell'Ovra electrica Ual de Mulin a Laax. Dumengia vargada ha la vischnaunca de Flem inaugurau sia ovra electrica Ual de Mulin sin territori de Laax cun ina fiasta che corrispunda alla muntada dils fatgs ... Il laghet d'ulivaziun, che vegn fermaus damaneivel dalla punt sper la via cantonala, ha in cuntegn da 65'000 m3.

#### **Hotel Revue 24.8.1978**

20 Jahre Verkehrsverein Laax ... Fünf Laaxer waren es, die zu Beginn des Jahres 1958 ein Initiativkomitee bildeten, um dann bereits im Frühsommer die Gründungsversammlung eines Verkehrsvereins einzuberufen. Die ersten Sachgeschäfte waren damals die Sanierung des idyllischen Laaxer-Sees. Erfolgreich hat sich der Verkehrsverein gegen ein Projekt zur Wehr gesetzt, das zur Gewinnung elektrischer Energie die Stauung des Seeleins vorsah.

#### **La Casa Paterna-La Punt 30-11-1978**

Ovra electrica sursilvana SA. Endrizzau e mess en funcziun la pli aultsituada trafostaziun per Vorab 3000. Gia avon entgin temps ei vegniu surdau all'Ovra electrica sursilvana la construcziun dil provediment d'energia sil territori da skis dallas pendicularas Crap Sogn Gion. Sco ina dallas davosas etappas ellas fasas da lavur realisadas ha l'Ovra electrica sursilvana saviu metter en funcziun ils davos gis la pli aultsituada trafostaziun (staziun da transformar) egl intsches da provediment, al pei dil glatscher dil Vorab.

#### **Gasetta Romontscha 17-12-1982**

Subcentrala dalla OES a Laax. Fatg ventschida. Il consum d'energia che crescha incuntin en la regiun da furniziun dalla Ovra electrica sursilvanan (OES), pretenda la cuntinuada completaziun dils concernents stabiliments da repartiziun ... Quella finamira vala era per la regiun Laax-Falera-Arena alva ch'ei sesviluppada enormamein ils davos onns ... Cunquei ch'il diever d'energia electrica ei s'augmentaus sur la media en quella regiun, basta la capaciad dils dus conducts a Laax buca pli. In rinforz ni la construcziun d'in conduct supplementar da 16'000 volts fuss buca cunvegnents. Ins ha perquei ponderau la construcziun d'ina nova centrala da 60/16 kV sco era in conduct da 60'000 volts. Aschia san ins corrispunder a liunga vesta als basegns en la regiun da Laax

#### **Calender per mintga gi 2004, p. 108-114**

Emmi Caviezel-Adrutt: L'introducziun dalla glisch electrica a Laax (1904), Sagogn e Valendau (1906).

### **La Quotidiana 15-6-2023**

Varga 200 persunas han visitau margis la radunonza communal a Laax. La gliesta da tractandas ei stada multifara, diversas da quellas han era dau da discutir. Perinagada sefan ils da Laax da piuniers. La radunonza ha approbau in contract pil dretg da ba ghegiar per in implont solar aultalpin. Cunquei vegnan ils partenaris dil project ad installar quest atun gl'implont da pilot ... Cun 174 GIE encunter siat NA e pliras abstenziuns ha la radunonza da vischnaunca da Laax approbau il contract pil dretg da baghegiar in'ovra solara aultalpina ella regiun dil Vorab ... Laax seposiziunescha cunquei sco emprema vischnaunca che dat glisch verda per in'ovra solara aultalpina tenorla strategia dil Solarexpress. Sin ina surfatscha da 150'000 m<sup>2</sup> eis ei previu d'installar 18'000 tochen 20'000 panels che dueien producir 12 uras gigawatt electricidad ... Ina gronda part dall'energia drova la gruppa Arena Alva per siu menaschi d'unviern. L'ovra sin 2'600 m s.m. gida la gruppa da realisar sia visiun digl'emprems territorii da skis autoproveditur ellas Alps.

### **La Quotidiana 15-4-2024**

Laax ha schau svanir ils masts da tensiun aulta. Sigl intschess dalla vischnaunca da Laax ein ils masts da tensiun aulta sin svanir. Quels dis vegnan ils davos dils 20 masts da tensiun aulta demontai. Venderdis vargau han la vischnaunca da Laax e la Repower SA envidau las medias d'assister alla demontascha d'in dils davos masts da tensiun aulta el quartier Marcau. Igl onn 2019 ha la radunonza communal da Laax priu cun gronda maiortad il conclus d'eliminar ils 20 masts da tensiun aulta sil territori da vischnaunca. El decuors dils davos onns ha la Repower SA planisau ina nova lingia sutterana e realisau quella agl ur dil territori da vischnaunca. La demontascha dils masts ei ina lavur prigulusa e caschuna bia rumien. 270 tonnas betun e 78 tonnas itschal ed alumini ein vegnidaz spazzadas sil tshancun da 3,6 kilometers denter Prau Petschen e Staderas.